



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XV

BROJ: 248

DATUM: 22.10.2018.GODINE



Usluge Saveza PRAVNO SAVJETOVALIŠTE:

Selma Fišek, viši saradnik za pravna
pitanja
fax: + 387 33 552 810
selma@sogfbih.ba

FINANSIJSKO SAVJETOVALIŠTE:

Gregor Jurišić, viši saradnik za
finansijska pitanja
Fax: + 387 33 552 810
gregor.jurisc@sogfbih.ba

Sadržaj biltena:

U organizaciji SOGFBiH održan Okrugli
sto u Banja Luci

Održana prva ReLOaD konferencija

Savez općina i gradova FBiH partner u
izradi Strategije razvoja FBiH

Vizija i plan načelnika Općine Kakanj

Finansijska pomoć EU lokalnim i
regionalnim vlastima zemljama
kandidatima i potencijalnim
kandidatima

Grad Cazin uspješno realizovao prvi
projekat prekogranične saradnje

Najava edukacije u okviru Programa
finansiranja projekata smanjenja
potrošnja energije i korištenje
obnovljivih izvora energije

Internacionalni sajam energije, voda i
okoliša - RENEXPO

U Visokom održana Info investitorska
konferencija u okviru CoolHeating pro-
jekta

Najava obilježavanja dana
općina/gradova za mjesec
novembar/ studeni

Bilten Saveza općina i gradova Federacije Bosne i Hercegovine

U organizaciji Saveza općina i gradova FBiH održan Okrugli sto

Lokalni nivo relevantan u definisanju ciljeva vezanih za EU

U organizaciji Saveza općina i gradova Federacije BiH i Saveza opština i gradova Republike Srpske, a u partnerstvu sa Švedskim savezom lokalnih vlasti i regiona "SALAR" koji zajednički provode Projekat "Jačanje saveza općina i gradova u BiH", uz finansijsku pomoć vlada Švedske i Švicarske, 16. oktobra 2018. godine upriličen je Okrugli sto pod nazivom "Analiza uticaja procesa pristupanja Bosne i Hercegovine Evropskoj Uniji na jedinice lokalne samouprave – prezentacija izvještaja".



Sa Okruglog stola održanog u Banja Luci

Cilj je bio upoznati predstavnike relevantnih institucija u čijoj su nadležnosti pomenute teme: **Zapošljavanje i socijalna politika, regionalna politika i javne nabavke, zaštita životne sredine i komunalna politika, ruralni razvoj i iskustvo Hrvatske – uloga saveza lokalnih vlasti u procesu pridruživanja** sa osnovnim nalazima našeg izvještaja, te prikupiti komentare i korisne informacije iz različitih perspektiva.

Zaključeno je da je lokalni nivo veoma relevantan u definisanju ciljeva vezanih za EU integracije, te da je neophodno uključiti predstavnike saveza u koordinaciju. Također, na primjerima Republike Hrvatske, pa i same Švedske, istaknuti su problemi pri implementaciji pravne stečevine EU upravo iz razloga što njihov lokalni nivo nije bio dovoljno uključen u procese EU integracije. Zaključci i preporuke će koristiti pri izradi konkretnih aktivnosti iz ove oblasti.

Sastanku su između ostalih prisustvovali i predstavnici ambasada Švedske i Švicarske u BiH. Delegacija EU u BiH, Direkcije za evropske integracije BiH, nadležnih entitetskih ministarstva, kantonalnih vlasti, također i predstavnici Saveza opština i gradova Republike Srpske/ Federacije BiH, kao i članovi resornih komisija Saveza, te projektni konsultanti.



Sa Okruglog stola održanog u Banja Luci

ODRŽANA PRVA ReLOaD KONFERENCIJA

Izazovi i mogućnosti u jačanju partnerstva između lokalnih vlasti i OCD na zapadnom Balkanu

Prva ReLOaD konferencija koja je održana 20. i 21. septembra u Skoplju predstavila je iskustva saradnje između lokalnih vlasti i civilnog društva sa fokusom na transparentno finansiranje organizacija civilnog društva širom zapadnog Balkana. Dvodnevnu konferenciju otvorili su ministar lokalne samouprave **Suhejl Fazliu**, gospođa **Liselotte Isaksson**, šef sektora - civilno društvo i socijalna inkluzija, regionalna saradnja i programi za zapadni Balkan, DG NEAR, Evropska komisija i gospođa **Narine Sahakyan**, zamjenica rezidentnog predstavnika UNDP-a.



Sa prve ReLOaD konferencije održane u Skoplju

Konferencija je okupila više od 80 praktičara iz Albanije, Bosne i Hercegovine, Kosova, Bivše Jugoslovenske Republike Makedonije, Crne Gore i Srbije kako bi razgovarali o kvalitetnim i transparentnim dodjelama sredstava organizacija civilnog društva.

"Građani zemalja zapadnog Balkana žele da budu dio Evropske unije. Da žive u demokratskim društvima, sa razvojnim izgledima, sa dobrim obrazovanjem, zdravljem, dijeljenjem zajedničkih vrijednosti, izgradnjom mostova sa svojim susjedima, sa građanima Evrope. Stoga, pozdravljam saradnju na svim nivoima u rješavanju ovih izazova. Mi smo jači kada pomažemo jedni drugima na putu našeg članstva u Evropskoj uniji", rekao je ministar Fazliu.

Predstavnica Evropske komisije Liselotte Isaksson, napomenula je da lokalne vlasti trebaju postati svjesnije o resursima koje ima civilni sektor, a civilni sektor treba biti više pripremljen za implementaciju projekata kako bi mogli raditi zajedno i poboljšati usluge u općinama širom Zapadnog Balkana.

Zamjenica rezidentnog predstavnika UNDP-a Narine Sahakyan naglasila je da oštine imaju velike izazove u pružanju brige za ugrožene i marginalizovane grupe. Ovaj program pokriva 50 općina iz regiona, koji će uz finansijsku podršku EU i u saradnji sa civilnim sektorom moći pružiti dodatne socijalne usluge za 40 000 građana kojima je najviše potrebna.

Ispred Saveza općina i gradova Federacije Bosne i Hercegovine u radu konferencije učestvovala je direktorica Saveza, gđa **Vesna Travljanin**, član Partnerskog odbora projekta ReLOaD.

Konferencija je održana u organizaciji Regionalnog programa Lokalne demokratije na Zapadnom Balkanu (ReLOaD), u saradnji sa UNDPom u Skoplju. Podržana je i finansirana od strane Evropske unije sa ciljem jačanja partnerstva između lokalnih vlada i OCD na Zapadnom Balkanu, sa fokusom na transparentno finansiranje OCD-a širom regiona.

Savez općina i gradova FBiH partner u izradi Strategije razvoja FBiH

Vlada Federacije Bosne i Hercegovine je na 156. sjednici od 13.09.2018. godine donijela je [Odluku](#) o pokretanju procesa izrade Strategije razvoja Federacije Bosne i Hercegovine 2021. - 2027., kao integrisanog, multisektorskog strateškog dokumenta Federacije Bosne i Hercegovine koji definiše javne politike, usmjerava razvoj teritorije Federacije i područja kantona i jedinica lokalne samouprave i zacrtanim strateškim ciljevima i prioritetima, te predstavlja putokaz za sveukupni društveni razvoj.



Sa 156. Sjednice Vlade FBiH

Nosilac izrade Strategije razvoja FBiH je Federalni zavod za programiranje razvoja.

Učesnici u procesu izrade Strategije razvoja FBiH su nadležne institucije Federacije, kantona i jedinica lokalne samouprave, te socio-ekonomski partneri.

Jedinice lokalne samouprave svoje interese u procesu izrade Strategije razvoja FBiH izražavaju i zastupaju putem Saveza općina i gradova Federacije Bosne i Hercegovine.

Strategija razvoja FBiH predstavlja podlogu za izradu strategija razvoja kantona i jedinica lokalne samouprave u Federaciji.

Gledajte Savez općina i gradova
Federacije Bosne i Hercegovine na



Vizija i plan načelnika Općine Kakanj Nermina Mandre: Bosansko srednjovjekovlje u žiži masovnog interesovanja i bh patriota, i turista, i investitora...

Načelnik Općine Kakanj Nermin Mandra nedavno je javnosti predstavio zamisao, viziju, ideju i projekat koji bi blago srednjovjekovne bosanske države, ali i prirodna blaga koja se nalaze na području općina Kakanj, Vareš, Visoko, Ilijaš, Breza, Olovo, Fojnica, Kiseljak i Kreševo doveo u žižu masovnog interesovanja i bh patriota, i turista, i investitora, i cjelokupne bosanskohercegovačke i šire javnosti.

Radi se o projektu "Kraljeva brda" – velikom vizionarskom poduhvatu koji će biti predstavljen i drugim općinama na čijem je teritoriju locirana kolijevka srednjovjekovne bosanske države. Zamisao je da se za ovu inicijativu koja potiče sa lokalnog nivoa zainteresiraju viši nivoi vlasti i da ona dobije stepen prioriteta kakav imaju autocesta kroz BiH, brza cesta Lašva-Travnik, toplovdov Kakanj-Sarajevo i slično.

Prvi korak u realizaciji plana čiji je naziv "Kraljeva brda" je izgradnja panoramske ceste Ilijaš-Breza-Vareš-Bobovac-Kraljeva Sutjeska-Visoko-Kiseljak i dalje prema Kreševu, Fojnici i Busovači i spoj sa brzom cestom za Travnik.

"Panoramska cesta je ključna arterija cijelog područja Kraljevih brda. Ona povezuje sve atrakcije i lokacije na prostoru u jedinstvenu cjelinu i omogućava lako povezivanje, komunikaciju i saobraćaj kako na turističkoj tako i na dnevnoj bazi u službi stanovništva i privrede. Na trasi se razvijaju dijelovi s panoramskim pogledima, mjestima za piknike, fotografiranje, a na nekoliko mjesta se formiraju i poučne staze s tematikom flore, faune, posebnosti kraja i slično", napisano je u projektu.

Uz panoramsku cestu, na području pomenutih općina, razvijala bi se turistička ponuda u koju bi bili uključeni svi prirodni i kulturno-historijski resursi: Bobovac, Mile, Kraljeva Sutjeska, Bijambarske pećine, stari grad Dubrovnik, srednjovjekovni grad Visoki, piramide u Visokom, Prokoško jezero, rafting na rijeci Fojnici od Fojnice do Visokog, skijališta Ponijeri i Vranica, ruralni smještaj, adrenalinski parkovi, staze za biciklizam, šetnice, prirodne i kulturno-historijske znamenitosti pomenutih 9 općina...

"Unapređenje, zaštita i promocija znamenja srednjovjekovne bosanske države poput Bobovca i Mila i brojnih drugih nažalost su prepušteni lokalnim zajednicama sa objektivno malim budžetima i to što mi u povodu značajnih datuma ili predizbornih kampanja izađemo na ta mjesta je apsolutno nedovoljno. To mora biti prvi red prioriteta kantonalnih, federalnih i državnih vlasti. Isto tako i infrastruktura na području općina na kojima su locirana znamenja srednjovjekovne bosanske države mora biti prvi red prioriteta kao što je prioritet autocesta, kao što je prioritet spajanje Tuzle sa Sarajevom, kao što je brza cesta za Travnik i slično. Dakle, prvi red prioriteta mora biti cesta Ilijaš-Breza-Vareš-Bobovac-Kraljeva Sutjeska-Visoko-Kiseljak-Fojnica-Busovača i spajanje na brzu cestu za Travnik. Kako sva ova priča ne bi dobila predizborne konotacije mi ćemo načelnike ostalih općina sa inicijativom upoznati odmah nakon izbora. Napraviti ćemo i operacionalizaciju ovog plana, a poslije izbora ćemo znati ko će biti na vlasti i sigurno ćemo izvršiti snažan pritisak kako bi se ovi projekti realizirali. Ovo su veoma veliki projekti, otvaraju turističke potencijale kompletnog područja i stvaraju nove pretpostavke razvoja", rekao je načelnik Općine Kakanj Nermin Mandra.

Načelnik Mandra je predstavio i projekat izgradnje žičare koja bi omogućila panoramsko razgledanje područja Bobovca.

Foto: Pogled na Bobovac

Press Općine Kakanj



Grb Općine Kakanj




Pogled na Bobovac

Finansijska pomoć EU lokalnim i regionalnim vlastima u zemljama kandidatima i potencijalnim kandidatima

Ova brošura sadrži informacije o finansijskoj pomoći Evropske unije (EU) dostupne u obliku programa, instrumenata i drugih mogućnosti finansiranja lokalnih i regionalnih vlasti u zemljama kandidatima i potencijalnim kandidatima (Albanije, Bosna i Hercegovine, Bivša Jugoslovenska Republika Makedonije, Kosova, Crne Gore, Srbije i Turske).

Link: https://www.dropbox.com/s/fsqjeic04zpgmlm/EU-FA-available-IRAs-Candidate-Countries_Sept2018.pdf?dl=0



Grad Cazin uspješno realizirao prvi projekat prekogranične saradnje

Grad Cazin je partner projekta „RENEW HEAT“ koji je dobio finansijsku podršku programa Evropske unije Interreg IPA CBC Hrvatska-BiH-Crna Gora. U okviru projekta izvršeni su radovi na ugradnji centralnog grijanja na objektima Sportske dvorane i Kulturnog centra Cazin, a projektni partneri Grada su Karlovačka županija, Regionalna energetska agencija Sjeverozapadne Hrvatske (REGEA) i Razvojna agencija Unsko-sanskog kantona. Povodom uspješne implementacije projekta danas je organizirana i svojevrsna prezentacija onog što je u međuvremenu učinjeno.

„Projekt Renew Heat ukupne vrijednosti 700.000 eura je investicijski projekat s obzirom da je samo na investicijske radove odnosno na ugradnju kotlovnica u Hrvatskoj i BiH uloženo gotovo 400.000 eura. Ugrađena su tri kotla, jedan u Hrvatskoj i dva u BiH i ti kotlovi, osim što donose uštedu jer se griju na bio masu, emitirati manje emisije CO2 u okolišu, doprinijeti i razvoju lokalnog gospodarstva jer je i sirovina i proizvodnja energenta iz regije“, rekao je Karlo Rajić, predstavnik REGEA-e.

Kako je istaknuo direktor Razvojne agencije USK Samir Jodanović, bio je ovo uspješan i višestruko koristan projekat u kojem je Grad Cazin efikasno ispunio sve svoje obaveze.

„Što se tiče mi dobrih iskustava mi sigurno sada imamo iskustvo i znanje da radimo slične projekte i da ih multipliciramo na druge lokalne zajednice našeg kantona. Grad Cazin se pokazao svakako kao kredibilan partner i mi ćemo naravno i u budućnosti implementirati ovakve i slične projekte“, kazao je Jodanović.

U objektu Sportske dvorane izvedeni su radovi izgradnje sistema grijanja na pelet odnosno dva kotla po 250 kW, dok je u objektu Kulturnog centra izvedena rekonstrukcija sistema za grijanje koja podrazumijeva zamjenu kotla na lož ulje sa kotlom na pelet od 75 kW. Ukupna vrijednost realiziranih radova iznosi 362.656,00 KM.

„S obzirom da Sportska dvorana nije imala grijanje za nas je uspjeh i sama činjenica da smo riješili to pitanje. Naravno i grijanje objekta Kulturnog centra Cazin je riješeno na prihvatljiviji način. Ovaj prvi projekat prekogranične saradnje je realiziran potpuno uspješno i to je takođe, velika stvar za nas. Ja se zahvaljujem našim partnerima i nadam se da je ovo tek početak kada su u pitanju evropski fondovi, regionalna i prekogranična saradnja“, istaknuo je gradonačelnik Cazina Nemrin Ogřešević.



Grad Cazin partner projekta „RENEW HEAT“



Grb Grada Cazin

Najava edukacije u okviru Programa finansiranja projekata smanjenja potrošnje energije i korištenja obnovljivih izvora energije kao mjere EE u javnom i privatnom sektoru kroz Revolving fond

Od 2013. godine Razvojni program Ujedinjenih nacija (UNDP) daje značajan doprinos u promicanju energijske efikasnosti (EE) i obnovljivih izvora energije (OIE) u BiH kroz projekat Zeleni ekonomski razvoj, zahvaljujući finansijerima projekta, Vladi Švedske, Fondu za zaštitu okoliša FBiH i Fondu za zaštitu životne sredine i energetske efikasnost RS, te saradnji sa Ministarstvom vanjske trgovine i ekonomskih odnosa BiH, entitetskim ministarstvima prostornog uređenja, kantonalnim ministarstvima, jedinicama lokalne samouprave i drugim partnerima.

Implementacijom 137 infrastrukturnih projekata i primjenom EMIS-a (informacioni sistem za upravljanja energijom) u više od 5.000 javnih objekata, postignuti su višestruki benefiti u pogledu smanjenja emisija štetnih gasova (11.300 tona CO₂ na godišnjem nivou), unapređenja energijske efikasnosti javnih objekata smanjenjem potrošnje energije za preko 50%, unapređenja energijske efikasnosti sistema javne rasvjete, povećanja svijesti javnosti, kreiranju povoljnog ambijenta za ulaganje u infrastrukturne EE mjere uz istovremeno kreiranje preko 1700 „zelenih radnih mjesta“ i reinvestiranja postignutih finansijskih ušteda (godišnje uštede u javnim budžetima od preko 4.000.000 KM) u nove aktivnosti.

Fond za zaštitu okoliša FBiH i Fond za zaštitu životne sredine i energetske efikasnost RS su kroz tehničku asistenciju UNDP-a i projekta "Zeleni ekonomski razvoj", radili na uspostavi Revolving fonda za finansiranje projekata potrošnje energije i korištenja obnovljivih izvora energije kao mjere energijske efikasnosti.

Uspostavom navedenog finansijskog mehanizma specijaliziranog za finansiranje jasno definiranih vrsta projekata, stvara se mogućnost značajnog promicanja energijske efikasnosti i obnovljivih izvora energije u javnom i privatnom sektoru.

U svrhu jačanja kapaciteta, uz profesionalno osposobljavanje i usavršavanje svih zainteresiranih korisnika i aplikacija sredstava putem Javnih poziva iz Revolving fonda, pripremljen je jednodnevni program stručne edukacije namijenjene općinama/kantonima, predstavnicima javnih objekata, komunalnih preduzeća, te malih i srednjih preduzeća.

Edukacija će se održati u sljedećim mjestima:

Tuzla 18. oktobar 2018. - Hotel Tuzla;

Bijeljina: 19. oktobar 2018. - Hotel Drina;

Banja Luka: 25. oktobar 2018. - Hotel Vidović;

Bihać: 26. oktobar 2018. - Hotel Emporium;

Zenica: 30. oktobar 2018. - Hotel Dubrovnik;

Trebinje: 02. novembar 2018. - Gradska uprava Trebinje;

Međugorje 08. novembar 2018. - Etno selo Herceg;

Mostar: 09. novembar 2018. - INTERA tehnološki park;

Teslić 15. novembar 2018. - Hotel Kardial;

Sarajevo: 16. novembar 2018. - Hotel HILLS Sarajevo.

Organizatorski okvir Programa čine UNDP u partnerstvu sa Fondom za zaštitu okoliša FBiH, Fondom za zaštitu životne sredine i energetske efikasnost Republike Srpske, Privrednom/Gospodarskom komorom FBiH, Privrednom komorom Republike Srpske, Vladom Švedske, Udruženjem termoelektričara BiH, uz podršku Saveza općina i gradova FBiH, Saveza općina i gradova RS i tehničkom asistencijom organizacija CETEOR Sarajevo i CRP Tuzla.

Kroz jednodnevni stručni program, svim zainteresiranim licima će se ponuditi stručno osmišljen program o metodologiji apliciranja projektnih prijedloga putem Javnih poziva, kroz konkretne primjere i tematske oblasti relevantne za sticanje uslova dobivanja sredstava iz Revolving fonda, potrebnih za implementaciju mjera energijske efikasnosti i obnovljivih izvora energije, vođen od strane renomiranih stručnjaka iz ove oblasti.

Učesnici su oslobođeni kotizacije, uz napomenu da je broj učesnika Programa ograničen, te je potrebno registraciju izvršiti najkasnije dva dana ranije putem [Obrasca za prijavu](mailto:dzjusufovic@ceteor.ba) koji je potrebno poslati na: dzjusufovic@ceteor.ba ili fax: 033 205 725

Organizatori Programa: CETEOR Sarajevo/CRP Tuzla

KORISNI LINKOVI ZA PREDPRISTUPNE FONDove EU:

www.southeast-europe.net

www.adriaticpachc.org

www.interregadriatico.it

www.europa.ba

www.cbib-eu.org

www.cbc.bih-mne.org

www.srb-bih.org

www.cbc-cro-bih.net

www.programmed.eu

www.tacso.org

www.euroinfocentar.ba

www.balkanfund.org

www.eurelmed.com

www.eacea.ec.europa.eu

Internacionalni sajam energije, voda i okoliša - RENEXPO® BiH Unaprijeđenje ulaganja u BiH 24. i 25. oktobar, kongresni centar hotela Hills Sarajevo

Internacionalni sajam sa stručnim konferencijama, [RENEXPO® BiH](#) po peti put biće mjesto susreta biznis lidera, donosioca odluka, domaćih i inostranih stručnjaka i kompanija u oblasti obnovljivih izvora energije, energetske efikasnosti i upravljanja vodama i otpadom.

Konferencijski program sadrži sljedeće:

Srijeda, 24.10.2018.

- [5. Međunarodna konferencija 'Hidroenergija u BiH- Male hidroelektrane'](#)
- [4. Internacionalni Okrugli Sto 'Vjetroenergija u BiH'](#)
- [1. Crowdfunding konferencija o održivoj energiji](#)

- [3. Konferencija Upravljanja otpadom u BiH 'Energija iz Otpada'](#)

- Međunarodni B2B susreti - EEN BiH - [Investitorska loža](#)

Četvrtak, 25.10.2018.

- [1. Panel: Fotonapon i solarna energija u BiH](#)
- [3. Konferencija: Održivo upravljanje vodama i otpadnom vodom u BiH](#)
- [5. Internacionalna konferencija: Energija iz Biomase u BiH](#)
- [1. Panel: Održivi transport u BiH](#)
- [2. Radionica: Efikasnost vodne infrastrukture u BiH](#)

BESPLATNO se registrujte na željene konferencije putem klika na slijedeći link
[REGISTRACIJA NA KONFERENCIJE](#)

U Visokom održana Info investitorska konferencija u okviru *CoolHeating* projekta

U KC "Altindag" u Visokom je u srijedu, 17.10.2018. godine održana info investitorska konferencija *Moduli sistema daljinskog grijanja i hlađenja na bazi obnovljivih izvora energije*. Konferencija je organizirana u okviru europskog projekta *CoolHeating*, u kojem Općina Visoko u suradnji s *Elektroprivredom BiH* učestvuje od 1. januara 2016. godine. EU je u sklopu projekta *Horizont 2020* prije dvije godine počela implementaciju projekta *CoolHeating* u BiH, a Općina Visoko ga, nakon dvije godine, privodi kraju. Konferenciji su prisustvovali potencijalni investitori, zainteresirani građani Visokog, studenti Mašinskog fakulteta u Zenici, srednjoškolci iz Visokog, gosti iz drugih općina, te predstavnici institucija i organizacija, uključujući i *Savez općina i gradova FBiH*, kojeg je predstavljao Gregor Jurišić, viši suradnik za financijska pitanja.

Predavači na konferenciji bili su: načelnica Visokog, mr.sc. Amra Babić, pomoćnik načelnice za lokalni ekonomski razvoj, komunalne poslove, zaštitu okoline i javne nabavke dipl.iur. Emir Fejzović, prof.dr. Marin Petrović i Nijaz Delalić sa Mašinskog fakulteta u Sarajevu, dr. Anes Kazagić, predstavnik *Elektroprivrede BiH*, prof.dr. Izet Smajević i Ada Eminagić Krka, predstavnica Fonda za zaštitu okoliša FBiH. Budući da se više od 50% finalne energije godišnje u Europi troši na potrebe grijanja i hlađenja, osnovna svrha projekta je smanjenje negativnog utjecaja energetskog sektora na okoliš. Prof. Dr. Marin Petrović s Mašinskog fakulteta u Sarajevu u uvodu je upoznao prisutne s osnovnim elementima projekta, a dr. Anes Kazagić, predstavnik *Elektroprivrede BiH*, koja je ujedno i projektni partner Općine Visoko na projektu *Horizon 2020 Coolheating*, ustvrdio je da je intencija današnje prezentacije upoznavanje lokalne zajednice s projektom i konceptualnom solucijom projekta grijanja i hlađenja na bazi obnovljivih izvora energije u općini Visoko, ali i upoznavanje potencijalnih investitora s ekonomskim parametrima projekta, njegovoj atraktivnosti i usklađenosti s europskim strategijama. Također, danas je bio prisutan i Damir Čengić, potencijalni investitor u ime *Europske banke za obnovu i razvoj (EBRD)*, apostrofirajući da EBRD već uspješno surađuje s Općinom Visoko u projektu proširenja gradske vodovodne mreže i da je zainteresiran i za projekt grijanja i hlađenja na bazi obnovljivih izvora energije u Visokom. Općinska načelnica mr.sc. Amra Babić participirala je na današnjoj konferenciji kao panelist na temu *Ekonomski parametri studije izvodljivosti sistema daljinskog grijanja u Visokom*, pri čemu je izjavila da je obveza općine da lokalnoj zajednici i potencijalnim investitorima što bolje predstavi ovaj projekat, koji predstavlja prilagodbu općine standardima EU, te da Općina Visoko dokazuje da prednjači, kada je riječ o znanjima stečenim ovim projektom.

Gledajte Savez općina i gradova
Federacije Bosne i Hercegovine na



Sa Info investitorske konferencije u Visokom



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova Federacije Bosne i Hercegovine na



Pratite Savez općina i gradova FBiH na



NAJAVA OBILJEŽAVANJA DANA OPĆINA I GRADOVA ZA MJESEC NOVEMBAR / STUDENI


17. novembar/studeni - Dan Općine Čelić. Na taj datum 1991. godine putem referenduma 99% stanovništva se izjasnilo za izdvajanje iz sastava opštine Lopare i SAO Semberija i Majevice.

18. novembar/studeni - Dan Općine Grude. Na ovaj datum 1991. godine osnovana je Hrvatska zajednica Herceg-Bosna, kao politička, kulturna, ekonomska i teritorijalna organizacija hrvatskog naroda u BiH.

21. novembar/studeni - Dan Općine Drvar. Ovaj datum je prihvaćen za obilježavanje dana Općine Drvar s obzirom da je tog dana 1995. godine potpisan Dejtonski mirovni sporazum.



Općina Čelić



Općina Grude



Općina Drvar

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.



Grb Općine Čelić



Grb Općine Grude